



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno DLXXVII. ad annum DXC.

Parisiis, 1644

Epistola XXX. Gregorii Papae I. Ad Favstvm. De ministeriis ecclesiasticis a filio Constantii recipiendis.

urn:nbn:de:hbz:466:1-15221

EPISTOLA XXIX.

GREGORII PAPÆ I.

AD ANTHEMIVM SVBDIACONVM.

De massa Veneris Stephano abbatii restituenda.

Gregorius Anthemio subdiacono Neapolitano.

AEQUITATIS ius exigit, vt hoc quod a prædecessoribus nostris cognita veritate est redditum, nostra indebite denuo ecclesia tenere non debeat: ne quod omnino contra religiosum constat esse propositum, non vera, sed imaginaria ac magis dolosa fuisse restitutio videatur. Et ideo quoniam Stephanus abbas monasterii sancti Marci, quod constitutum iuxta muros Spoletanæ ciuitatis esse dignoscitur, questus est nobis massam Veneris in provincia Campania sitam, territorio Minturnensi, quam ei beatæ memoriae decessoris nostri Benedicti redditam præceptione cognouimus, ab ecclesia nostra nunc indebite detineri; idcirco hac tibi auctoritate præcipimus, vt si manifeste ab ecclesiæ nostræ hominibus detinetur, in iura eam prædicti monasterii sine aliqua mora vel altercatione restituas. Si vero non a nostris, sed a quibusdam forsitan extraneis detinetur, strenua te agere solitudine volumus, vt in iure modis omnibus memorati debeat monasterii reformari, quatenus & ipse quod suum est, te solatiante, sine aliqua fatigacione recipiat, & alter de dispendio monasterii iniuste lucrum non habeat.

EPISTOLA XXX.

GREGORII PAPÆ I.

AD FAVSTM.

De ministeriis ecclesiasticis a filio Constantii recipiendis.

Gregorius Fausto.

SICVT res ecclesiasticæ competentibus personis sine aliqua sunt dilatione reddendæ, ita restituentis * attenedanda cautela est, vt nulla ei possit postmodum ex ipsa na scie restitutione molestia. Et ideo quoniam tempore quo quondam Consentius defensor paternæ gloriae vestræ commissi sibi patrimonii Campaniæ curam geslit, ministeria

* ad
adhi-
benda

EPISTOLARVM LIBER VII. 645

ecclesiae Vulternæ, quæ erat pro peccatis clero & pontifice destituta, apud se propter iniunctam sibi solicitudinem tulisse dignoscitur, quæ vos nunc reddere sine nostro consensu dubitare cognouimus; eapropter his vos hortamur epistolis, vt ea Anthemio subdiacono sub desuscepti emissione restituere sine aliqua difficultate debeat; quatenus & res ecclesiae in tuto apud eos quos conuenit habentur, & gloria vestra ab omni dubitatione sit libera.

EPISTOLA XXXI.

GREGORII PAPÆ I.

AD ANTHEMIVM SVBDIACONVM.

De ministeriis ecclesiae Vulternæ.

Gregorius Anthemio subdiacono.

COMPERIMVS ministeria ecclesiae Vulternæ, quæ Consentius defensor propter iniunctam sibi solicitudinem deficiente clero vel episcopo eiusdem ecclesiae tulerat, apud heredem ipsius remansisse. Et quia gloriosum virum Faustum filium ipsius ea reddere sine nostro consensu dubitare cognouimus, nostris eum hortati sumus epistolis, vt experientia tuæ ministeria eiusdem ecclesiae reddere sine dubietate aliqua debuisset. Et ideo experientia tua ministeria ipsa sub desuscepti emissione suscipiat, atque in tuto habere studeat, & modum ac qualitatem ipsorum nobis facta notitia omni subtilitate innotescat.

EPISTOLA XXXII.

GREGORII PAPÆ I.

AD ANDREAM SCHOLASTICVM.

De infirmitate eius, & quod flagellat Deus omnem filium quem recipit.

Gregorius Andreæ scholastico.

AVDIENS quod gloriam vestram vehementer affixe-
rit luctus & agritudo, valde condolui. Sed protinus agnoscens quod te morbus perfecte reliquerit, dolorem mox in lætitiam verti, magnasque omnipotenti Deo gratias retuli; quia percussit, vt sanaret; affixit, vt ad gaudia vera perduceret. Hinc enim scriptum est: *Quem diligit Dō* - Heb. 11.

M m m m iij